

წმიდისა მამისა ჩუენისა

იმერეთის ეპისკოპოსისა გაბრიელისა



დიდ მწუხრსა ზედა

- „მოვედით თაყვანის - ვსცეთ“ - იგალობება.
- „აკურთხევს სული ჩემი სული უფალსა“ (103 ფსალმუნი) - იგალობება.
- „ნეტარ არს კაცი“ - I კანონის I ანტიფონი.
- „უფალო ღაღად - ვჰყავ“ (იგალობება V კმაზე).
- გაბრიელ ეპისკოპოსისა. - მუხლი 8.

ყოვლად ქებულო გაბრიელ მღდელთმთავარო, აღმოცენდი რამ ძირთაგან ღმრთისმსახურთა, სიყრმითგან იქმენ შენ, ვითარცა ხჴ დანერგული თანაწარსადინელსა წყალთასა, და ჟამსა თვსსა გამოეც ნაყოფი შუენიერი და ღირსი ზეცისა საუნჯეთად, აწ გვიოხე ქრისტჴს მიმართ, გარდამოვლინებად ეკლესიათა ერთობად, მშვიდობად და დიდი წყალობად.

ყოვლად ქებულო გაბრიელ მღდელთმთავრო, მოგეცა რამ საღმრთოდ მღვძარებად, მსწრაფლ დაისწავლე ყოველივე საეკლესიო წესნი და გალობად, და საზრდელ და საშუებელ შენდა იყო სიტყუად ღმრთისად, აწ გვიოხე მისა მიმართ, გარდამოვლინებად ეკლესიათა ერთობად, მშვიდობად და დიდი წყალობად.

ყოვლად ქებულო გაბრიელ მღდელთმთავრო, დაემტკიცე რამ ქრისტეს მცნებათა შეურყეველსა ლოდსა ზედა, ღმრთისმეტყუელებისა სწავლადცა სრულყავ პეტერბურდსა, და წარემატე საეროთა და საფილოსოფოსოთა მეცნიერებათაცა შინა, ხოლო ოდეს მოიქეც მამულადვე თვსსა, ღმრთისა მიერ მოცემული მადლი განამრავლე სიბრძნითა, და დაუცხრომელად ილუწიდი აღზრდად სულთა და გონებათა ყრმათასა, აწ გვიოხე ქრისტჴს მიმართ, გარდამოვლინებად ეკლესიათა ერთობად, მშვიდობად და დიდი წყალობად.

ყოვლად ქებულო გაბრიელ მღდელთმთავრო, სჯულიერებისა და სიმდაბლისა შენისათვის, რომელ მოგეგო, იყავ შენ საყვარელ ყოველთაგან, გარნა მოწოდებული მსახურებად ღმრთისა კელდასხმულ იქმენ რად მღდელად, მამაო, არცაღა დაუტევე მოწაფენი შენნი და ვითარცა მიწისმოქმედი ბრძენი, განჰმზადებდი გონებასა მათსა შეწყნარებად ღმრთისმცნირებისა წმიდისა თესლისა, აწ გვიოხე ქრისტეს მიმართ, გარდამოვლინებად ეკლესიათა ერთობად, მშვიდობად და დიდი წყალობად.

ყოვლად ქებულო გაბრიელ მღდელთმთავრო, გიხილა რად მკურვალედ შესრული მოღვაწეობასა, ურიცხვი განსაცდელი შეგამთხვია შენ ეშმაკმან, რადთა განაქარვოს მგზებარებად შენი, ნეტარო, და მიუშვა იგი ღმერთმან, ვითარ იოხსა ზედა მართალსა, და მოისრნა რად სახლეული შენი ერთბამად, ნაცულად შვილთა საკუთართა, მოგმადლა საღუაწად ერი ქართველთად, რომელსაცა მწყსიდი სიბრძნითა და სიყუარულითა, აწ გვიოხე ქრისტეს მიმართ, გარდამოვლინებად ეკლესიათა ერთობად, მშვიდობად და დიდი წყალობად.

ყოვლად ქებულო გაბრიელ მღდელთმთავრო, დაღათუ იყავ უცხო კაცობრივისაგან დიდებისა, სცან ნებად უფლისად, რადთამცა იყო შენ მწყემს ერისა შენისა, და ებისკოპოზად გაკურთხეს რად იმერეთ-გურია, და რაჭა-სვანეთისა, მსგავს იქმენ შენ სათნოებითა ქრისტეს ღმრთისა მოციქულთა, და ვითარცა ორღანოდ, აღმოადენდი რად მაცხოვრებელთა მათ ტკბილთა სწავლათა, გამოსჩნდი სუეტად და სიმტკიცედ სარწმუნოებისა, აწ გვიოხე ქრისტეს მიმართ, გარდამოვლინებად ეკლესიათა ერთობად, მშვიდობად და დიდი წყალობად.

სხუად დასდებული ჯმაი 2

ეჰა გვრგვნო

ვითარი-მე ქებისა გვრგვნი შეგითხზნათ ქართველთა ეკლესიისა სიმტკიცესა და ყოველთა განმაბრწყინებელსა სწავლითა, ლამპარსა ყოვლადბრწყინვალესა და მნათობსა ყოვლისა საქართველომსასა; დიდსა შემწყესა, მწყემსსა და მოძღუარსა, რომელი იღუწიდი რად განსანათლებლად ერისა შენისა, განსწავლიდი ღმრთისა და მამულის სიყუარულსა შინა, და განაბრწყინებდი ჟამთა თვსთა ძლიერად მოღვაწეებითა, რომლისა მიერ აღძრვანი მტერთანი დაამხუნა ქრისტემან ღმერთმან, რომელსა აქუს დიდი წყალობად.

ვითართა ქებისა საგალობელითა უგალობდეთ მადლითა და სიბრძნითა ღმრთისადთა აღსავსესა; ყოველთა შუამდგომელსა და შემწყესა, ჭირვეულთა ნუგეშინისმცემელსა და განსაცდელსა შინა მყოფთა შესავედრებელსა, კეთილმსახურებისა სუეტსა, მორწმუნეთა წინამბრძოლსა და განმანათლებელსა ერისა ჩუენისასა, წმიდასა მღდელთმთავარსა დიდსა გაბრიელსა, რომლისა მიერ აღძრვანი მტერთანი დაამხუნა ქრისტემან ღმერთმან, რომელსა აქუს დიდი წყალობად.

დიდება მამასა და ძესა და წმიდასა სულსა: დღესასწაულობს ქართველთა ეკლესიად ქსენებასა შენსა და გვწესს შესხმად ღუაწლისა შენისა, ეკლესიისა შუენებაო გაბრიელ საკვრველო, ანგელოზთა თანა შეერთებულო ტაძარო საიდუმლოთაო, უფსკრულო გულისკმისყოფისაო, მხილველო გამოუთქმელთაო, მამაო მამათაო დ მღდელთმოდვარო კეთილმსახურთაო,

სიქადულო მონაზონთაო და წინამძღუარო მართლმადიდებელთაო, რომელი წინაშე ყოვლადწმიდისა სამებისა იხარებ მრავლითა ბრწყინვალეობითა განათლებული და შემწე ხარ მვედრებელთა შენთათჳს, გვიოხე აწ ქრისტეს მიმართ და გვთხოვე, ღირსო, გარდამოვლინებად ეკლესიათა ერთობად, მშვიდობად და დიდი წყალობად. (კმა 6).

აწ და მარადის და უკუნითი უკუნისამდე, ამინ: ვინ არა გნატრიდეს შენ ყოვლადწმიდაო ქალწულო, ვინ არა უგალობდეს უხრწნელსა შობასა შენსა, რამეთუ რომელი იგი უჟამოდ მამისაგან გამობრწყინდა, ძჳ მხოლოდშობილი, იგივე შენგან უბიწოდსა გამოვიდა გამოუთქმელად კორცშესხმული, ღმერთი იყო ბუნებით და ჩუენთჳს კაც-იქმნა წყალობით. არა ორებად პირთასა განიკუეთა, არამედ ორითა ბუნებითა შეურევნელად საცნაურ-იქმნა. მას ევედრე, პატიოსანო და ყოვლადსანატრელო, ცხორებისათვის სულთა ჩუენტასა. (კმა 6).

- შესვლა საცეცხლურით.
- წარდგომა დღისა
- **საწინაწარმეტყველო** - 3 საკითხავი ღირსისა. (მღვდელთმთავრისა საზიაროდან).
- **ლიტა** ზედა დასდებელი ტაძრისა - 1 მუხლი.
- ესრეთ გაბრიელ ებისკოპოსისა

საკვრველ არიან საიდუმლონი შენნი, ქრისტე ღმერთო, რამეთუ ესე ღირსი კსენებისად - ყოვლად ქებული მამად ჩუენი და მწყემსი კეთილი აღმოაცენე რად მხარესა მას გურიისასა, შვილი კეთილმსახურისა მდდლისად, მოშურნედ იქცა დიდთა მათ მთაწმინდელთა, ეფთჳმისა და გიორგისა - მარხვითა და ღუაწლითა გაბრწყინებულთა, და ყოველსა დღეთა ცხორებისასა განჰლევდა მოღვაწებასა და მღვძარებასა შინა.

უბრალოდ ცხორებად შენი და წესისა სიმარტივე და სიწმიდჳ და ყოვლითურთ მისა მიმართ საკუთრებად იხილა რად ღმერთმან, სანატრელო, წარჩინებულ გყო ფრიად და მოგანიჭა საყდარი მღდელმოდურებისად, ხოლო იქმენ რად სარწმუნოდ განმგებელ, ღირსო, განამტკიცებდი მართლმადიდებელთა აღმსარებლობასა და გარეგან ცხოვართადთა მოსილთა და შინაგან მეგლ-ღმრთისმსახურთა დაამკობდი და განიოტებდი და შერისხავდი სიწმიდისა შემრყუნელთა და მამულისა მაოხართა.

სანთელად ცეცხლმთებარედ გამოუჩნდი ბნელსა შინა უმეცრებისა შთავრდომილთა სულთა და დაუღამებელისა ნათლისა მიმართ წინამძღუარ ექმენ მათ, ხოლო უმდიდრესითა მადლითა ღმრთისადთა აღსავსე ლოცვად შენი და სიტყუად და სწავლად ექმნა საჭეთმჰყრობელ და მმართველ სამღდელოთა და ერთა, რამეთუ ყოველთა მოუწოდე მეცნიერებად და დიდებად ღმრთისა და გამოჩნდი კანონად მღდელთმთავართა და საღმრთოდ სიხარული მოჰფინე ეკლესიასა და ერსა ქართველთასა.

მოღუაწედ და მლოცველად, და დიდებად და ხატად სიწმიდისად მოგიგო შენ ერმან შენმან, რამეთუ ლოცვითა მკურვალითა საღმრთოდ შეჭურვილი მოვლიდი დაბა-სოფლებთა, და სიყუარულითა განსწავლიდი ყოველთა, რადთა ბოროტსა განემორონ და სულისა თჳსისათჳს

ზრუნვიდენ მოწყალებითა, მარხვითა, და ლოცვითა, ეგრეთვე აწ დაამშვდე გული ჩემი სოფლისა ღელვათაგან შერყეული და შეგინებული და აღმავსე მღვდარებითა საღმრთოთა.

იყავ რად ფიცხელსა მას ღუაწლსა შინა, არა ელტვოდი დიდებასა და მონაგებსა, არამედ ღმობიერებითა გულისადათა მარადღე ილუწიდი მშვდობით დაცვისათვს ქურივთა და ობოლთასა; ნუგეშსა-სცემდი ურვეულთა და სნეულთა, და იდუმალ შეეწეოდი ყოველთა უპოვართა და პერობილთა, ხოლო ხარბთა და ანგართა ამხილებდი და ასწავებდი გლახაკთა მოწყალებასა, აწ ჩუენცა წარგვიმართე სლვად კეთილ სახედ სოფელსა ამას შინა, რადთა არა მივიდრიკოთ უსჯულოებისადმი, და მარადის ღირს-ვიქმნეთ დიდებად ღმრთისა.

ფრიად მოშურნე იყავ რად განსწავლისათვს ერისა, სახარებისა სიღრმისა ძალსა საკვრველითა სიბრძნითა მიწვთომილი და რიტორი ეგე დიდად ხელოვანი, ღმრთივსულიერად და მარტივად გამოიტყოდი საღმრთოთა ქადაგებათა შენთა, ნუგეშინის-საცემელად და სარგებელად ყოველთა - დიდთა და მცირეთა, სწავლულთა და უწიგნურთა, და ასწავებდი რად საღმრთოთა წეს-განგებულებათა განუხრელად დაცვასა, მრავალნი მოისწრაფდენ ეკლესიად, რადთა არა დააკლდენ სმენად სიტყუათა შენთა, თაფლისა უტკბილესთა, და სიხარულითა კმობდენ: „მადლი ღმერთსა, რომელმან ერსა ჩუენსა ახალი ოქროპირი გამოუჩინა“.

ფრიად ზრუნვიდი რად საქმესა საეკლესიოსა, ილუწიდი დაცვისათვს ენისა ჩუენისა და აღორძინებისათვს ქართულისა გალობისა, და განმართავდი რად უგუნურთა მიერ შერყვნილთა სწავლებათა, ცრუმორწმუნეობისა საცთურსაცა აღხოცდი და ყოველთა განამტკიცებდი წმიდათა მამათა მიერ გარდამოცემულსა მართლმადიდებლობასა შინა, ხოლო დიდისა ღუაწლისა შენისა მხილველთა და თანადამსწრეთა განაცვიფრებდი შენ, კეთილმსახურებისა ხატო ბრწყინვალეო, ღირსად საკვრველო გაბრიელ, და აღძრვიდი ქებად შენდა და დიდებად ღმრთისა.

„დიდება მამასა და ძესა და წმიდასა სულსა“.

სიწმიდითა გულისადათა იქმენ რად სამკვდრებელ სულისა წმიდისა, აღილე ჯუარი შენი, ყოვლად სამღდელოო, და შეუდეგ გზასა მას იწროსა და საჭირველსა, რომელსაცა ზედა დაგადგინა ყოველთა მწყემსმთავარმან ქრისტემან ღმერთმან, და განგამტკიცა ყოვლადწმიდამან დედამან მისმან, მარიამ ღმრთისმშობელმან, და აწ მადლითა მით, რომელ გაქუს წინაშე მათსა, ითხოვე ქსნად ივერიისად ზედამოსვლათაგან მტერისა და შეურყეველად დაცვა ეკლესიისად ყოვლისაგან წუალებისა და განხეთქილებისა.

„აწ და მარადის და უკუნითი უკუნისამდე, ამინ“.

გიხაროდენ, ქალწულო, ღრუბელო და ეტლო სიტყვსაო; გიხაროდენ, უზესთაეს გონებისა და გარეგან საზღუარისა წმიდაო ღმრთისა საყოფელო; გიხაროდენ, უქორწინებელო სულითა, ზესთა ბუნებათა მიდგომილო; გიხაროდენ, თვნიერ თესლისა მშობელო, და თვნიერ ხრწნილებისა მაწოვნებელო; გიხაროდენ, მარადის ქალწულო, კურთხეულო.

- **„სტიქარონსა“ ზედა დასდებელი.** კმა 8: და-რად-ემკვდრა შენ თანა მადლი ღმრთისად, სანატრელო, მოგაძულა შენ საწუთროდსა დიდებად, და შეგაყუარა სიმდაბლჭ და მოწყალებად, ლოცვად ღმობიერი, მღვდარებად და ზე-დგომად კელგანპერობით უკორცოთა მიმსგავსებული,

და აღასრულე რად სრბად შენი, წმიდაო, სიხარულით წარუდეგ ქრისტესა, აწ გვთხოვე მისგან დიდი წყალობად.

მუხლი. „ისმინეთ ესე ყოველთა წარმართთა და ყურად იღეთ ყოველთა რომელნი დამკვიდრებულ ხართ სოფელსა“

ბაგეთა შენთა მიერ წყაროდ მადლისად აღმოსცენდა თაფლისა უტკბილესი, ყოვლად სამღდელოო გაბრიელ, და ეკლესიად ქრისტესი განაშუენე რად საღმრთისმეტყველოთა წერილთა მიერ სახედ სამკაულისა სამეუფოდას, შვილთა თვსთა თანა შეიმკუების ბრწყინვალედ სწავლებათა შენთა სიმრავლითა, და გვწესს ყოველთა მორწმუნეთა ქებად და შესხმად საკვრველისა ღუაწლისა შენისა.

მუხლი. „პირი ჩემი იტყოდეს სიბრძნესა და ზრახვანი გულისა ჩემისანი გულისხმის ყოფასა“

სიტყვთა და საქმით ადიდე ღმერთი დიდებული და მცნებათა მისთა იწურთიდ მარადის, დღისი და ღამით გონებითა წმიდითა, და ვითარცა სუეტი ნათლისად, ბრწყინვალე ღოცვად შენი აღიწეოდა ზეცას, ღმრთივგანბრძნობილო მამაო, გვთხოვე ქრისტესგან დიდი წყალობად.

„დიდება მამასა და ძესა და წმიდასა სულსა“: გუნდნი ანგელოზთანი განაკვრვნა ზეგარდამო შენდამი ბოძებულმან მადლმან ღმრთისმსახურებისამან, და ჩუენცა ვადიდებთ ქრისტესა, ღმერთსა ჩუენსა, რომელმან არა უგულეებელს-ყო ერი ჩუენი საზეპუროდ, მეოხებითა დედისა თვსისადათა, და ჟამსა მას წმიდათა მოკლებისასა გამოგაბრწყინა ეგევითარი მწყემსი და მოღუაწჳ საწურთელად და გულისკმის-საყოფელად ნათესავისა ჩუენისა.

„აწ და მარადის, და უკუნითი უკუნისამდე, ამინ“: უსძლოო ქალწულო, რომელმან ღმერთი მუცლად-ილე გამოუთქმელად, დედაო ღმრთისა მადლისაო, ვედრებად მონათა შენთა შეიწირე, ყოვლადუბიწოო, რომელი მისცემ ყოველთა შენდობასა ცოდვათასა, ჩუენიცა ვედრებად შეიწირე და გვთხოვე ჩუენ დიდი წყალობად.

- **„აწ განუტევე“.**

- შემდგომად **„მამაო ჩვენო“-**სი:

- **ტროპარი:** მღვდელთმთავრისა, ჳმად 4: სოფელსა შინა მწუხარებად დაითმინე, ხოლო ქრისტეს თანა მშვიდობად შეიძინე, სიტყვთა შენითა ქართველთა ერი განანათლე და უპოვარებისა საუნჯენი მას შინა განამრავლე, ღუაწლით შემოსილო წმიდაო მღვდელთმთავარო გაბრიელ, ევედრე ქრისტესა ღმერთსა შეწყალებად სულთა ჩუენთათჳს. - 2 გზის

- **ღმრთისმშობელო ქალწულო** - 1 გზის.

- პურის კურთხევა.

დიდი ცისკარი:

- „**ღმერთი უფალი**“ (იგალობება IV კმაზე).

- **ტროპარი მღვდელთმთავრისა, კმა 4:** „სოფელსა შინა მწუხარებაჲ დაითმინე, ხოლო ქრისტეს თანა მშვიდობაჲ შეიძინე, სიტყვითა შენითა ქართველთა ერი განანათლე და უპოვარებისა საუნჯენი მას შინა განამრავლე, ღუაწლით შემოსილო წმიდაო მღვდელთმთავარო გაბრიელ, ევედრე ქრისტესა ღმერთსა შეწყალებაჲდ სულთა ჩუენთათჳს. - 2 გზის

- **„დიდება“ „აწ და“** - ღმრთისმშობლისა „**აღდგომის განსატევებელი**“ (ტროპარის ხმის მიხედვით):
- რომელი საუკუნითგან დაფარულ-იყო, და ანგელოზთაგან უცნაურ საიდუმლო, ღმრთისმშობელო, შენ მიერ კაცთა გამოეცხადა, ღმერთი შეურევენლად შენგან განკორციელდა, ჯუარცმაჲ ნებსით თავს იდუა, რომლისათჳსცა აღადგინა პირველდამძინებულნი, და იქსნა მან სიკუდილისაგან სულნი ჩუენნი.

- **შემდგომად I ფსალმუნებისა, წარდგომა. კმა 1.**

ცხორებაჲ კეთილმსახურებით ქუეყანასა ზედა აღასრულე, ყოვლად ნეტარო გაბრიელ მღვდელთმოდვარო, და გამოსჩნდი კანონად მონაზონთა და ბრწყინვალე მნათობად ყოვლისა სოფლისა, აწ გამოაბრწყინვე გულსა ჩუენსა ნათელი ჭეშმარიტი და მეოხ-გუეყავ მაქებელთა შენთა დაუცხრომელად. 2-გზის.

დიდებაჲ მამასა და პესა და წმიდასა სულსა, აწ და მარადის, და უკუნითი უკუნისამდე, ამინ.

განეცხადების საიდუმლოჲ საუკუნითგან დაფარული მთავარანგელოზსა, მითხრობად ძრწოლით ქალწულისა მიმართ, ხოლო იგი ახარებს კურთხეულსა დედათა შორის, რომლისა-თანა ვკმობდეთ: გიხაროდენ, მიმადლებულო, უფალი შენ თანა.

- **შემდგომად II ფსალმუნებისა, წარდგომა. კმა 4.**

იქების მარადის მართლმადიდებელთა ქრისტესმოყუარეთა მიერ, საღმრთონი სათნოვებანი შენნი, სიწმიდჳ, სიმშვიდჳ, და სიმდაბლჳ და გლახაკთა მოწყალებაჲ. აწ ჩუენცა პატივსა გცემთ, წმიდაო, სამ-გზის სანატრელო მღვდელთმთავარო გაბრიელ, და გაქებთ, ახოვან ქმნილნი ღუაწლითა შენითა. 2-გზის.

დიდებაჲ მამასა და პესა და წმიდასა სულსა, აწ და მარადის, და უკუნითი უკუნისამდე, ამინ.

ყოველთა შემოქმედი ღმერთი და დამბადებელი, ყოვლადუბიწო, წმიდაო, საღმრთოჲსა სულისა მიერ მუცლად იღე და უხრწნელად ჰშევ, რომლისათჳსცა გადიდებთ შენ და გიგალობთ, ქალწულო, ვითარცა ყოველთა მეუფისა პალატსა და სოფლისა შემწესა.

- **„სადიდებელი“ მე-19 კანონი (134-ე და 135-ე ფსალმუნები).**

- **„გადიდება“** მღვდელთმთავრისა (ფსალმუნთა გამოკრებილი მუხლებით - დავითნიდან).

- **„წარდგომა“** შემდგომად „სადიდებელისა“: სიბრძნე კმა 8.

უფალმან ჩუენმან იესუ ქრისტემან დაგადგინა რაჲ მღდელოთმოდურად და განმანათლებლად ერისა ამის, დედისა თჳსისა წილხვედრისა, მრავალთა საცთურთაგან დაბრკოლებულისა და უღებებასა შინა შთაფლულისა, მისითა მადლითა იცევდი ყოველთაგან საფრკეთა: კუერთხითა სარწმუნოებისაჲთა განიოტებდი რაჲ ბოროტთა მგელთა, ძალითა სამებისაჲთა განძლიერებულმან უვნებლად დაიფარე სამწყსოდ შენი ტაცებათაგან მათთა, აწცა ევედრე ქრისტესა ღმერთსა, ცოდვათა მოტევებისა მონიჭებად, სურვილით პატივის-მცემელთა კსენებისა შენისასა. **2-გზის**

დიდებაჲ მამასა და ძესა და წმიდასა სულსა, აწ და მარადის, და უკუნითი უკუნისამდე, ამინ.

თანა დაუსაბამოდ სიტყუად მამისაჲ, შენგან მიიღებს დასაბამსა ბუნებისა ჩუენისასა, ღმრთისმშობელო, და უჟამო შემოვალს ჟამსა შინა და სიტყუად განზრქებოდის, ხოლო ძჳ ღმრთისაჲ ძედ შენდა იწოდების. ეჰა, მიუწვთომელი ესე საიდუმლოდ, იესუ ქრისტე გუშინ და დღეს, და იგი თავადი არს უკუნისამდე.

- **აღსავალი, ანტიფონი 1. ჳმად 4**

სიყრმით ჩემითგან ფრიად მბრძანან მე არაწმიდანი ვნებანი, ამისთჳს გევედრები: შემწე-მეყავ და მიჰსენ სახიერ.

რომელთა გძულთ სიონი, სირცხვლეულ-იქმნენით უფლისა მიერ, და ვითარცა განჰმული თივაჲ შეგჳამნესთ გეენიამან.

დიდებაჲ მამასა და ძესა და წმიდასა სულსა, აწ და მარადის, და უკუნითი უკუნისამდე, ამინ.

სულისა მიერ წმიდისა ყოველი სული ცკოველ-იქმნების და სიწმიდით ამაღლდების და განჰბრწყინდების სამებისა მიერ ერთ-არსებისა, ღმრთივშუენიერად და საიდუმლოდ.

- **წარდგომა** (საცისკრო სახარებისა): „პატიოსან-არს წინაშე უფლისა სიკუდილი წმიდათა მისთა“. **ჳმად 7.**

მუხლი. „რაჲ მივაგო უფალსა ყოვლისავეთჳს, რომელი მომაგო მე“.

- **საცისკრო სახარება იოანესი. X. მუხლი 9-16.**

ჰრქუა უფალმან მოსრულთა მათ მისსა მიმართ ჰურიათა: მე ვარ კარი: ჩემ მიერ თუ ვინმე შევიდეს, ცხონდეს; შევიდეს და გამოვიდეს და სამოვარი პოვოს. ხოლო მჰარავი იგი არა მოვიდის, არამედ რაჲთა იპაროს და დაკლას და წარწყმიდოს. ხოლო მე მოვედ, რაჲთა ცხორებაჲ აქუნდეს და უმეტესი აქუნდეს. მე ვარ მწყემსი კეთილი: მწყემსმან კეთილმან სული თჳსი დადვის ცხოვართათჳს. ხოლო სასყიდლით-დადგინებულმან და რომელი არა არნ მწყემსი, რომლისა არა არიედ ცხოვარნი თჳსნი, იხილის რაჲ მგელი მომაგალი, დაუტევნის ცხოვარნი და ივლტინ, და მგელმან წარიტაცნის იგინი და განაზნინის ცხოვარნი. ხოლო სასყიდლით დადგინებული იგი ივლტინ, რამეთუ სასყიდლით დადგინებული არნ და არარაჲ სჰირნ მას ცხოვართათჳს. მე ვარ მწყემსი კეთილი და ვიცნი ჩემნი იგი, და მიციან ჩემთა მათ. ვითარცა მიცის მე მამამან, ვიცი მეცა მამად და სულსა ჩემსა დავსდებ ცხოვართათჳს. და

სხუანიცა ცხოვარნი მიდგან, რომელნი არა არიან ამის ეზოდსაგანნი, იგინიცა ჯერ-არიან მოყვანებად ჩემდა, და კმისა ჩემისაჲ ისმინონ და იყვნენ ერთ სამწყსო და ერთ მწყემს.

გუნდი: დიდებაჲ შენდა უფალო, დიდება შენდა.

დიდებაჲ მამასა და ძესა და წმიდასა სულსა.

მეოხებითა წმიდისა დიდისა მღვდელთმთავარისა გაბრიელისაჲთა, მოწყალო, აღკოცენ ცოდვათა ჩუენთა სიმრავლენი.

აწ და მარადის და უკუნითი უკუნისამდე, ამინ.

მეოხებითა წმიდისა ღმრთისმშობელისაჲთა, მოწყალო, აღკოცენ ცოდვათა ჩუენთა სიმრავლენი.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღკოცენ უშჯულოებაჲ ჩემი და შემიწყალე მე, ღმერთო.

- შემდგომად **50-ე** ფსალმუნისა დასდებელი.

საუნჯჳ იგი რომელი მართუ ეკლესიასა ღმრთისასა - დაუცხრომელნი ღუაწლნი და საღმრთონი ქადაგებანი შენნი, ვითარცა ოქროსა სამკაულნი, ბრწყინვალედ შეუმოსიან და, ვითარცა გვრგვნი სამეუფოჲ, შემკული ბრწყინვალედ თუალთაგან მრავალსაყიდლისათა, დაუდგამს თავსა თვსსა, რაჲთა ჰნათობდეს ყოველთა, რომელნიცა სიხარულითა შევლენან მას შინა, და გევედრებიან შეწევნასა.

- „აცხოვნე ღმერთო ერი შენი...“

საცისკრო კანონთა **9** ოდა (გალობა).

იკითხება **2** კანონი.

- **I კანონი** - ღმრთისმშობლისა (ძლისპირი 2-გზის) - **6 მუხლად** (იხ. პარაკლიტონის ბოლოს ღმრთისმშობლის კანონები: „ეტლთა მფლობელი ფარაო...“ ან „ქუეყანასა მწყურნებსა...“).

- **II კანონი** - მღვდელთმთავრისა (ძლისპირის გარეშე) - **8 მუხლად**. (კმაჲ 8).

- **კატავასია:** რიგითი.

- **„უმცირესი“** - „უგალობდით უფალსა“.

გალობაჲ **1**, უგალობდითსა, კმაჲ **2**

ძლისპირი: ღელვათა დაანთქა პირველად ფარაო ეტლებითურთ და აღჭურვილით ძლიერად სპარაზენით სიტყუამან მამისამან, რომელი განკორციელდა ჩუენ ცოდვილთათვს, რომელსა უგალობთ: ღმერთო დიდებულო, დიდებულ-ხარ.

მოღუაწებამან შენმან, წმიდაო, აღაორძინა ივერთა ეკლესიად და განამტკიცა ერი ჩუენი სარწმუნოებასა შინა, იმეოხე აწ ღმრთისა მიმართ, რადთა განწმიდოს გულნი და გონებანი ჩუენნი და აღგვავსოს მღვდარებითა საღმრთოთა.

ჭურად რჩეულად გამოგირჩია რად ქრისტემან ღმერთმან, ყოვლად სამღდელოო გაბრიელ, აღგავსო სიბრძნითა საღმრთოთა, და მადლი გულისკმისყოფისად უხუად მოგანიჭა. აწ განაშორენ სილაღს და ამპარტავნებად გონებისაგან ჩემისა და მაუწყე გზად კეთილად მსახურებისად.

იწროსა მას გზასა მავალ-ჰყვენ რად ფერქნი შენნი, ფრიად განჰმდიდრდი სათნოებითა, ყოვლად სანატრელო გაბრიელ, და მოძღურებათა და ქადაგებათა სიმაღლითა განთქმულ იქმენ მღდელობითავართა შორის და საკვრველ - მამათა შორის, ღმრთივსულიერო.

დიდება მამასა და ძესა და წმიდასა სულსა: იყავ შენ მწყემსი კეთილი, ღმრთისმშობლისა მიმართ დიდად მვედრებელი სამწყსოდათვს შენისა და ფრიად მოყუარული წიხვედრისა მისისა - ივერიისა, და მლოცველი ივერიელთათვს და კეთილად წარმართებისათვს მათისა.

აწ და მარადის და უკუნითი უკუნისამდე, ამინ: ყოვლად წმიდაო სძალო, უხრწნელო, განანათლე და წმიდა ჰყავ გულისსიტყუად და სული ჩემი, გვედრები, და განსდევნე არმური უგუნურებისა ჩემისად და წყუდიადი ცოდვათა მათ ჩემთად, რადთა ჯეროვნად გიგალობდე შენ.

გალობა 3, განძლიერდასა

ძლისპირი: კლდესა ზედა სარწმუნოებისასა დამამტკიცე და განავრცე პირი ჩემი ზედა მტერთა ჩემთა და ახარე სულსა ჩემსა, რადთა კმა-ვჰყო შენდა მიმართ, მხოლოო, რამეთუ არავინ არს წმიდად შენსა გარეშე, ღმრთისა ჩემისა.

ელისაებრ აღეგზე ცეცხლად საღმრთოდ ღმრთისმბრძოლთა ზედა, და შესწუენ ენანი მათნი და დღითი დღე ილუწიდი სადიდებელად ღმრთისა, აწცა ევედრე ჩუენტვს, ყოვლად ქებულო გაბრიელ მღდელობითავრო, რომელნი პატივს ვსცემთ დღესასწაულსა შენსა, წმიდაო.

ქადაგებდი რად მართლმადიდებლობისა ყოვლად-უბიწოსა სარწმუნოებასა, განსწავლიდი სამწყსოსა შენსა და ასწავებდი დამარხვად მცნებათა ღმრთისათა. მას ევედრე აწ, ნეტარო, გვკსნეს რწმენისაგან არა-ცხოველისა და ნელ-ტფილისა.

საცთურისა ვერ დამთმენელი და ფრიად მოყუარე ერისა შენისად, განსწავლიდი ყოველთა წყობასა მტერთა მიმართ უხილავთა და ხილულთა, რადთამცა არა მოიწიოს მათ ზედა სასჯელი ღმრთისად, და განაკრძალებდი ლოცვასა.

დიდება მამასა და ძესა და წმიდასა სულსა: სიბრძნითა საღმრთოთა საკვრველად აღვსილი იყავ რად ფიცხელსა მას ღუაწლსა შინა, არა დადუმნებოდი ყოველსა ჟამსა ლოცვისა-ყოფად, და ღმრთისა მიმართ ღაღადებდი რად მოუწყინებელად, ქადაგებანი საღმრთონი შეთხზნე სულისა მიერ წმიდისა.

აწ და მარადის და უკუნითი უკუნისამდე, ამინ: განჰკურნენ წყლულებანი სულისა ჩემისანი, და გონება ჩემი, დაბნელებული უდებებითა, განანათლე, ღმრთისმშობელო, რადთა გიგალობდე: არავინ არს წმიდად შენებრ, უბიწოო, და უხრწნელ შენსა გარეშე, დედოფალო.

წარდგომა, კმა 4

მამად და მოძღურად გყო რად ქრისტემან მტერთაგან მიმძლავრებულისა ერისა, ღმრთისმშობლის წილხვედრისა, უძლოდი, ვითარცა მოსწ ისრაელთა, და სიმკნითა და სიბრძნის-მოყუარებითა, და მტერთა მათ უხილავთა ახოვნად წყობითა და კორცთა თვსთა უწყალოდ განკაფითა მრავალთა ექმენ კარ და გზა ზეცისა იერუსალჱმსა. აწ ევედრე ღმერთსა, მოგუმადლოს ჩუენ ღირსნი მამანი და ბრძენნი წინამძღუარნი მასწავლელ სიწმიდით ცხორებისა, რადთა ყოველნი ვიქმოდეთ სამართალსა და ვაქებდეთ ღმერთსა.

დიდება მამასა და პესა და წმიდასა სულსა

ვითარცა მზჭ ბრწყინვალეჭ, ჰნათობდი რად ქართველთა ეკლესიისა სამყაროსა, ღირსო მღდელთმთავარო იმერთაო, სამწყსოსა შენსა უჩუენებდი გზასა მას მართალსა და საცხოვნებელსა, და ვითარცა იოანე ოქროპირი უშიშად ამხილებდი რად წარჩინებულთა, და სამღვდელოთა, ურიცხვი სული იქსენ დანთქმისაგან ცოდვათასა, აწცა იმეოხე წინაშე ღმრთისა, მოჰხედოს ვენაქსა ამას თვსსა, რომელი დაასხა კელითა ანდრია მოციქულისადათა, და გამოავლინოს ღირსნი მოღუაწენი და მოქმედნი, რომელნი ჰყოფდენ ნაყოფსა მისსა, რადთამცა თავს-იდვან მწყსად და მოქცევად ქართველთად გზისაგან ბოროტისა, სწავლითა და კუერთხითა მხილებისადათა, და ყოველნი აღძრან დიდებად და მადლობად ღმრთისა.

აწ და მარადის და უკუნითი უკუნისამდე, ამინ.

უსძლოო ღმრთისმშობელო, ქალწულო წმიდაო, მხოლოო მორწმუნეთა შუამდგომელო, დაგვფარენ განსაცდელთა და ჭირთაგან, და გვკსნენ ყოველნი, უბიწოო, ბოროტისა მის გარე-მოდგომილებისაგან, რომელთა გვაქუს ყოველი სასოებად შენ ზედა, და აცხოვნენ სულნი ჩუენნი, საღმრთოთა ვედრებითა შენითა.

გალობა 4, უფალო მესმასა

მღისპირი: მოხვედ ჩუენდა ქალწულისაგან, არა ანგელოზი, არამედ თვთ უფალი, განკორციელებული ღმერთი, და მიკსნენ ჩუენ ყოვლითურთ, რომელნი ვლადადებთ: დიდება მალსა შენსა.

იყავ რად ფრიად მღვდარჭ, შეჭურვილი მარხვითა, ლოცვითა და მუშაკობითა, დღითი დღედ იტყოდი სიტყუათა ღმრთისათა უშიშად, მწყემსო სულიერო, და უმეცრებისა ბნელითა დანთქმულთა უძლოდი სლვად გზასა მას საღმრთოსა.

ყოვლისა სოფლისათვს და უფრომს ქართველთათვს ადავლენდი ვედრებასა, რადთა წინააღმდგომთა მათ ჭემარიტებისათა სძლევდეს მართლითა სარწმუნოებითა და მარადის მოიხვეჭდეს განმარჯვებასა მზაკუვარსა მტერსა ზედა.

ჰაეროვნება პირისა შენისა და სიმკლ ჭეამისა წამებდა სულიერთა სიმკნით შრომათა შენთა, ხოლო სიმდაბლითა ქცევად შენი უბიწოებასა შინაგანისა გონებისასა, და ქრისტეს მსგავსად ასწავებდი ყოველთა, რადთა განუყონ სიმდიდრე გლახაკთა და შეეწიონ ნაკლულევანთა.

დიდება მამასა და ძესა და წმიდასა სულსა: თვით მღდელთმთავარი ეგე, დიდი და ფრიად განსწავლული, ფიცხელთა შრომათა თავსდებითა, და უპოვარებისა შეყუარებითა შეესწორე ძუელთა მამათა, და გხედვიდენ რად შეურაცხითა სამოსელითა და ბერისა კუნკულითა, ყოველნი განცვიფრებულნი გნატრიდენ შენ, წმიდაო, და აქებდენ ღმერთსა, მდაბალთა აღმამაღლებელსა.

აწ და მარადის და უკუნითი უკუნისამდე, ამინ: ღმრთისმეტყუელთა სიღრმე საიდუმლოთა შენთა ჰქადაგეს ყოვლად მიუწთომელად, უხრწნელო, რამეთუ გარე-შეუწერელი, განკორციელებული ჰმევ გამოუთქმელად.

გალობად 5, ღამითგანსა

მღისპირი: შენ, მნათობთა ნათლისა მომცემელო და განწირულთა მაცხოვარებო, ქრისტე, მქსნელო ყოველთაო, შენდა აღვიმსთობთ, მეუფეო მშვიდობისაო, განგუანათლენ ჩუენ ნათლითა მით შენითა, რამეთუ ჩუენ შენსა გარეშე, სახიერ, სხუად ღმერთი არად ვიცით.

ვითარ სარწმუნოსა მწყემსმთავარსა მოგანიჭეს რად სამწყსოცა აფხაზეთ-სამეგრელოდსა, სიყუარულითა ჰმწყსიდი და ასწავებდი დამარხვად მართლისა სარწმუნოებისა. აწცა გვკსენ ურთიერთსიძულილისაგან, რადთა კუალად აღდგეს ერთობად ქუეყნისა ჩუენისა და სამწყსოდ შენი შევმტკიცდეთ სიყუარულითა ქრისტესითა.

ტალანტი იგი, რომელ გერწმუნა, ღმერთშემოსილო, არა დაჰფარე ქუეყანასა, არამედ განამრავლე ვითარცა სარწმუნომან მონამან და ბევრწილად მიართუ ღმერთსა, მას ევედრე აწ, რადთა გარე წარგუკადოს განსაცდელნი და ეშმაკთა კუეთებანი მოსავთა შენთა.

განუზომელი მოწყალება და უადრესი სიტკბოება და სიმდაბლე გექმნა რად წინამძღვრად გზასა ჰქმმარიტსა, ღმრთისა მიერ შენდა მოცემული მადლი განუწილე ყოველთა, აწ კსენებისა შენისა აღმასრულებელთა კსნად გვთხოვე შეცოდებათა, ვითარცა წინაშე ღმრთისა მდგომარემან.

შური გაქუნდა შენ მართლისა სარწმუნოებისა და განვრცობისათვს სიყუარულისა, და სამწყსოსა შენსა გადასცემდი რად სწავლასა სჯულისასა, აღსმარცვდი ზრქელსა საბურველსა თუალთაგან სულისათა და მრავალთა შეუძლეს შენ მიერ ცნობად ჰქმმარიტებისა. აწ მოგუეც ჩუენცა გული გონიერი და ბრძენი, გულისხმის-ყოფად კეთილისა და ბოროტისა.

დიდება მამასა და ძესა და წმიდასა სულსა: დიდი ღუაწლი და შრომად თავს იდეგ განმარტებისათვს წმიდათა წიგნთადა და ქუეყანად შენი აღავსე კეთილმსახურებისა წერილითა, რომელთა მიერ განაშუენე ეკლესიად ქართველთად და შვლთა თვსთა თანა ბრწყინვალედ შეამკვე სწავლითა საღმრთოდთა.

აწ და მარადის და უკუნითი უკუნისამდე, ამინ: ახლად ყრმად გვშევ, ქალწულო, პირველ ჟამთა შობილი მამისაგან, სიტყუად მხოლოდ დაუსაბამოდ, მას ევედრე, ვითარცა ძესა და ღმერთსა შენსა, რადთა შეგვწყალნეს, რომელნი აღგიარებთ განწმედილითა გულითა ღმრთისმშობელად, ღმრთისა დედაო, ყოვლად წმიდაო.

გალობა 6, ღაღადყავსა

ძლისპირი: ღელვამან ცოდვისამან მომიცვა მე და მრავალსა მოწყალებასა შენსა მოვვლტი: აღმომიყუანე, სახიერ, დანთქმისაგან, ღმერთო ჩემო, გევედრები.

იყავ რად მოძღვარი სულიერი და წინამძღვარი ქართველთად, ილუწიდი, რადთა აღორძინდენ სულიერითა და კორციელითა კეთილითა, და დააფუძნებდი რად სამკითხველოთა და სასწავლებელთა, საფასითა შენითა განსწავლიდი მრავალთა ყრმათა სამშობლოსა შინა და უცხოეთსაცა.

მომურნე იყავ რად მსახურებად ღმრთისა და განსანათლებლად ერისა შენისა, აღაგებდი მრავალთა ეკლესიათა, და განაახლებდი და შეამკობდი ძუელთა ტაძართა და მონასტერთა, ვიდრე აქამომდე ჰგოიან რად საცხოვნებლად სულთა და სადიდებელად ღმრთისა, მას ევედრე აწ კსნად ჩუენდა ყოველთა ჭირთა და ვნებათაგან, რომელნი აღვასრულებთ საკსენებელსა შენსა.

ჟამსა მას დევნულებათა შინა ყოვლისავე საქმისა ქართულისა, დამხოზილ იყო რად საყდარი ივერთა პატრეარქისა და მეფისად, გამოსჩნდი ნუგეშად ერისა შენისა, და არცაღა დასცხრებოდი დაცვისათვს ენისა ჩუენისა და აღორძინებისათვს ქართულისა გალობისა.

დიდება მამასა და ძესა და წმიდასა სულსა: განმადლიერებელმან შენმან ქრისტემან ღმერთმან გამოაცხადნა სიმკნენი ღუაწლთა შენთანნი და განჰფინნა ყოველთა კიდეთა ქუეყანისათა; ამისთვსცა ვიქადით შენთვს და განსწავლულნი წმიდათა წიგნთა შენთაგან განვსცხრებით სიხარულითა.

აწ და მარადის და უკუნითი უკუნისამდე, ამინ: ცათა უვრცელეს იქმნა საშობ შენი, რამეთუ ღმერთი დაიტიე, უსძლოო სძალო, რომელი დაუტევნელ არს და გარეშეუწერელ დაბადებულთაგან.

კონდაკი, ჳმად 3

მოციქულთა თანამოსაყდრწ და მღდელთმთავართა შუენიერებაჲ იქმენ, გაბრიელ, გაბჰრწყინდი რად, ვითარცა მზწ, და განანათლებ ყოველთა და განსდევნი უღმრთოებისა ღამესა უკუნსა. ამისთვს პატივს გცემთ შენ, ვითარცა საღმრთოსა ჭეშმარიტსა მღდელსა, მესაიდუმლესა ქრისტესსა.

იკოსი

კორცთა დააჰკნობდი რად იწროებითა და შრომითა, ღმერთშემოსილო, აღორძინებდი სულსა მოღუაწებითა და ლოცვითა, და მძლე ექმნებოდი რად ყოველსავე მანქანებასა ეშმაკთასა, ვითარცა მწყემსი მღვდარწ, ილუწიდი სამწყსოთა შენთა კეთილად, გამოჰზარდენ რად მრავალნი

სწავლითა შენითა და განარინენ უსჯულოებასა და ცოდვასა, ჩუენთვსცა ევედრე აწ კაცთმოყუარესა ღმერთსა, მოგუმადლოს სინანული და მოტევებად ცოდვათა და დაგვიცვას განსაცდელთაგან უხილავთა და ხილულთა მტერისათა.

გალობა 7, კურთხეულარსა

ძლისპირი: ბრძანებამან უშჯულოდსა მძლავრისამან უფროდსად მოტყინარე ალაგზნა სახუმილი ყრმათათვს და ღმერთმან ყოველთამან ასხურა ცუარი ზეცით სამთა მათ მგალობელთა, რომელ-იგი არს კურთხეულ უკუნისამდე.

სილტოლვითა ანგარებათა და ფუფუნებათაგან უარჰყავ თავი თვსი, და გვიჩვენე რად სიმაღლჳ სიმდაბლისად, სახჳ ექმენ ერსა შენსა, ვითარცა მობაძავი მწყემსთმთავრისა ქრისტჳსა, აწცა გვითხოვე ჰსნად საფრკისაგან ეშმაკთადასა და ბოროტებისაგან კაცთადასა.

არა ხოლო თუ თვსნი ოდენ ნაყოფნი შეწირნე ღმრთისა მსხუერჰლად სულნელად, ვითარცა აბელ მართალმან, არამედ სხუანი-ცა ურიცხუნი სულნი შეწირნე, და მჰსნელ ექმენ ავაზაკსაცა, რომელ მოგიხდა მარტოებითა მავალსა, და ეტყოდი რად სახელსა შენსა, სირცხვილელ-იქმნა, და წარიყვანე რად თვს თანა, ღირსო, წარგზავნე სასწავლებელსა და იქმნა იგიცა მოსწავლელ ყრმათად.

არცალა ჰრიდებდი მძლავრთა მხილებასა, და მართლ-ჟადაგებითა შენითა განიმრავლებდი რად მოძულეთა, გბრძოდენ, მამაო, და ეშმაკთაებრ ურცხვად გწამებდენ ცილსა, ხოლო ეწადათ რად მოკუდინებად შენი, წმიდაო, დაცულ იყავ ძალისა მიერ საღმრთოდასა.

მფარველ ხარ შენ არა მხოლოდ იმერთ მხარისად, სანატრელო, არამედ სრულიად საქართველოდასა, და მლოცველი და მსწრაფლშემწჳ, და ყოვლად ძლიერი მეოხი ყოველთა ქართველთა. აწ ურვათა შინა მყოფნი ვითხოვთ შენ მიერ შეწევნასა, რადთა ჩვეულებისაებრ წინაპართა ჩუენთასა ვმსახურებდეთ ერსა, და მარადის ვადიდებდეთ ღმერთსა.

დიდება მამასა და ძესა და წმიდასა სულსა: სიწმიდითა მოხუცებულმან გულისკმა-ყავ-რად განსლვად შენი კორცთაგან, შეჰვედრე სამწყსოდ და ერი ჩუენი უფალსა, და განაგე რად ყოველივე სარგებელი სულისა თვსისად, ანდერძითა თვსითა ყოველივე შრომითა მონაგები განუყავ სასწავლებელთა და სკოლათა - აღსაზრდელად უქონელთა ყრმათა და ასულთასა, და სამზრუნველთა მათ - ქურივ-ობოლთათვს სამღდელოთასა.

აწ და მარადის და უკუნითი უკუნისამდე, ამინ: ტევანი ცხორებისად გამოიღე, ვითარცა რად ვენახმან დაუსხმელმან, ღმრთისა დედაო, რომელმან გვიწდიე ღვწოდ წმიდა-მყოფელი, და მახარებელი გონებათად, სიმთრვალისა ბოროტისა დამჰსნელი.

გალობა 8, აკურთხევდითსა

ძლისპირი: სახუმილი იგი ცეცხლისად ბაბილონს პირველად განიზოგა ღმრთისა მიერ, რამეთუ ქალდეველნი აღისა მისისაგან შეიწუნეს, ხოლო ყრმანი შეცურეულნი იტყოდეს: აკურთხევდით საქმენი უფლისანი უფალსა.

კეთილის მოძულენი იგი ეშმაკნი, ვერცაღა დაითმენდეს რაღ ღუაწლსა შენსა, წმიდაო, აღიდრნეს და ზედა-მოგიხდეს კორციელად უძლურსა, და იწყეს ბრძოლად მრავლითა და თითოსახითა მანქანებითა, გარნა ვერ შეუძლეს შერყევად სარწმუნოებისა შენისა სიმტკიცისა, რამეთუ ლოცვითა მჭურვალთა განჯდოდი სიმრავლესა მათსა, აწ ჩუენზედაცა დააცხრვენ აღძრვანი უხილავთა და ხილულთა ვნებათანი.

იქმენ რაღ უსისხლოდ, ვითარცა მოწამჴ ქრისტჴსი, ღმერთშემოსილო გაბრიელ, თვტცა მიმტევებელი ყოველთათჴს ბრალთა, უკანაღსკნელ ყოველთაგან ითხოვდი შენდობასა, და ღაღადებდი აღმოსლვასა მას სულისასა: „მომიხსენე მე, უფალო, ოდეს მოხვიდე სუფევეითა შენითა“. აწ ჩუენთჴსცა ევედრე ღმერთსა, რადთა გჴკსნენ ყოვლისაგან ჴირისა და საცთურისა.

დაუტევე რაღ წარმავალი ესე ცხოვრება, მიეც წმიდაღ სული თჴსი საწადელსა შენსა ქრისტესა, და მის მიერ აღიტაცე ნათელსა მას დაუსრულებელსა, ხოლო მოგანიჴა რაღ სასყიდელი შრომათა შენთაღ, წმიდაღ ნეშტი შენი უჴრწნელებითა განაღიდა, რამეთუ პირი შენი მრავალთა დღეთა იყო ბრწყინვალჴ, ღირსო, ვითარცა მზჴ, სავსჴ დიდებითა.

დიდება მამასა და ძესა და წმიდასა სულსა: შეამკო რაღ დიდებული გელათი შეწყნარებამან უჴრწნელისა ნეშტისა შენისამან, მოჴკრბა სამჴყსოღ შენი ყოვლითგან, და გეთხოვებოდენ ცრემლთა დინებითა, ხოლო მოჴირნახულენი ერისანი ქებასა შეგასხმიდენ შენ, წმიდაო, და გიწოდდენ განმანათლებლად და მამად ერისა.

აწ და მარადის და უკუნითი უკუნისამდე, ამინ: ვნებანი სულისა ჩემისანი განჴკურნენ სიტჴბოებითა, ყოვლად საგალობელო, დაამჴდე ცხოვრებაღ და განანათლე სული ჩემი და წარმიმართე გზათა საღმრთოთა, დედოფალო, რადთა მარადის გაკურთხევედე შენ.

გალობა 9, ადიდებდითსა

ძლისპირი: დაუსაბამოდსაგან მამისა ძე ღმრთისაღ გამოსჩნდა, ქალწულისაგან მჴსნელად ჩუენდა განხორციელდა, განგუანათლებს დაბნელებულთა და შემოჴკრებს ერთად განბნეულთა, რადთა სარწმუნოებით მშობელსა მისსა ვადიდებდეთ.

შეერთე რაღ სიმრავლესა მას წმიდათასა, დაგფლეს გელათის მონასტერსა, და დაღაცათუ წმიდაღ ნეშტი შენი საფლავმან შეიცვა, ნეტარო, არამედ უმაღლეს საყვირისა ოხრიან განსაკრთომელნი ღუაწლნი შენნი, რომელთა მიერ სულნელ-ჴყოფ მორწმუნეთა ერსა, და განაბრწყინვებ ყოველთა ცისკიდეთა.

ჴხედვიდენ რაღ საღმრთოსა მას მოქალაქობასა შენსა და მდინარეთა უმდიდრესთა სწავლათა და ნიშთა და სასწაულთა დიდთა, შენ მიერ აღსრულებულთა, ესე ყოველი შემდგომად სიკუდილისა შენისა აღწერნეს მოწაფეთა შენთა და კეთილქებისა გალობითა გნატრიდენ შენ, ვითარცა ჴეშმარიტად ახოვანსა ქრისტეს მხედარსა.

ქრისტემან მოგცა შენ მაღლი სასწაულთაცა საქმედ და ესრეთ პატივ გცა საწუთროსა ამას, არამედ შემდგომად სიკუდილისა უფროღს იდიდე წინაშე მისსა, და ვიდრე აჴამომდე არცაღა

განგეშორა პატივი სიწმიდისად, რამეთუ სამარხოდ შენი იქმნა უძლურთათვის, ვითარცა საუნჯე მადლისად და წყაროდ კურნებათად.

ყოველნი მოსავნი შენნი და მოყუარენი ვიდრე აქამომდე ისწრაფვიან სავანესა მას, რომელსა შინა მდებარე ნაწილთა შენთა წმიდად სამარხოდ, ვითარცა წყაროდ დაუწყევდელი, მდიდრად აღმოაცენებს მადლთა სურნელებასა და კურნებასა მიჰმადლებს პატივისმცემელთა მისთა.

დიდება მამასა და ძესა და წმიდასა სულსა: ზღუდედ საღმრთოდ, და კეთილად შესავედრებელად მოგიგო შენ ეკლესიამან ჩუენმან და გვიწესს ყოველთა მორწმუნეთა, რადთა გნატრიდეთ შენ, მოშურნესა მჭურვალესა და ვნებათა თვთმჰყრობელსა, გლახაკთა გამომზრდელსა და ცოდვილთა სულთა მძლუნსა.

აწ და მარადის და უკუნითი უკუნისამდე, ამინ: საიდუმლოდ დიდი, დიდებულისა შობისა შენისად განაკვრევს ანგელოზთა, ღმრთივმიმადლებულო, და წმიდათა გუნდსა მოწყლავს სიყუარულითა და აღსძრავს მამათა საღმრთოდ გალობად შენდა – ყოვლისა სოფლისა სასოდასა.

- შემდგომად „**ადიდებდითსა**“ (IX გალობისა): - „**ღირს არსი**“ - არ იგალობება.

- „**განგანათლებელი**“: ნათელმან უსხეულომან განგანათლა შენ, ზ, მამაო ჩუენო, გაბრიელ მღვდელთმთავარო, და გამოგაბრწყინვა რად ნუგეშად ჩუენდა, მოჰფინა შარავანდელი ქუეყანასა ამას ჩუენსა, ცოდვისა მიერ დაბნელებულსა, და წყუდიადი უმეცრებისად წარსდევნა, ამისთვის ღუაწლი შენი, ვითარცა საუნჯე ოქროსად შეუმოსიეს ეკლესიასა ღმრთისასა და, ვითარცა გვრგვნი სამეუფოდ, შემკული ბრწყინვალედ თუალთაგან მრავალსაყიდლისადათა, დაუდგამს თავსა თვისსა, რადთა ჰნათობდეს ყოველთა, რომელნიცა სიხარულითა შევლენან მას შინა.

დიდება მამასა და ძესა და წმიდასა სულსა (იგივე)

აწ და მარადის და უკუნითი უკუნისამდე, ამინ: ღმრთისმშობლად ჰემმარიტად აღგიარებთ შენ, დედოფალო, შენ მიერ ცხოვნებულნი, რამეთუ ღმერთი ჰშევ გამოუთქმელად დამკსნელ ჯუარითა სიკუდილისა და თვსდა მიმართ მიმზიდველი ღირსთა კრებულისა, რომლისა თანა გაქებთ შენ, ქალწულო.

- „**ყოველი სული**“ - იგალობება.

- „**აქებდითსა**“ ზედა დასდებლები - **მუხლი 8.** (შენიშვნა: აირჩიეთ ნებისმიერი **4** ან **6** მუხლი. ხოლო ჩასართავი ჩაერთვის კვირა დღესთან შწერთების შემთხვევაში).

იქების დღესასწაული შენი მოყუარეთა შენთა მიერ, ნეტარო, და ჩუენცა სარწმუნოებითა ვადიდებთ და თაყუანის-ვჰსცემთ ყოველთა მწყემსმთავარსა ქრისტესა, რომელმანცა განგამტკიცა შენ, სანატრელო, და აღგძრავთ მეოხებად ყოვლადწმიდისა დედისა მიმართ მისისა, მარიამ ღმრთისმშობლისა, რადთა მზაკუვარებად მტერთა ჩუენთად განკადოს და გვკსნნეს საცთურისაგან ბოროტისა, რადთა არცაღა განმცემელ ვექმნნეთ სიქადულსა ჩუენსა მართლმადიდებლობასა, და ჰმითა მადლითა მარადის ვადიდებდეთ წმიდასა სამებასა.

დმერთმან ინება რად წყალობად და ცხორებად ერისა ჩუენისად, ჟამსა მას უწინამდღურობისასა გამოგარჩია მამად და წინამდღურად მისა, და სრულ ყავ რად ქადაგებად ჭემმარიტებისად, ვითარცა რიტორმან საღმრთომან მართლსწავლითა აღავსენ ყოველნი კიდენი ქუეყანისა ჩუენისანი და მიეც მორწმუნეთა საზრდელი უკუდავებისად, აწ ჩუენცა გვექმენ წინამდღურ ცხორებისა და მეოხად ქრისტჳს მიმართ, მაცხოვრისა ჩუენისა, რადთა მოგვიტევნეს მან უსჯულოებანი ჩუენნი და მოგუმადლოს შენებრი მჯურვალებად სარწმუნოებისად, მძებრივი სიყუარული მოყუასისად და საღმრთოდ მოშურნეობად მამულისად, ხოლო ქუეყანად ჩუენი დაიფაროს მტერისა საფრცისა და ძმათა შორის ბრძოლისაგან.

ჟ, ნიჰთა შენდა მოცემულთა, სანატრელო, რომლისა მიერ არცხვინე ბოროტთა ეშმაკთა და გამოსჩნდი კანონ მღდელთმთავართა და სიქადულ მართლმადიდებელთა, დამატკბობელ და ბრწყინვალე მნათობ ყოვლისა სოფლისა და უძლურთა უგამოცდილეს და პატიოსან მკურნალ, რომელსა გაქუს მაღლი მორწმუნეთა შეწევნისად, აწ მოგუხედენ მაღლით, დმერთშემოსილო, და დაარღვიე ყოველივე უღმრთოებისა საცთური და დაამკე მტერნი და მბრძოლნი ქრისტეანობისად.

იქადის აწ მხარჴ გურიისად, წმიდაო, რამეთუ მის მიერ აღმოსცენდი მწყემსი კეთილი, და წინამდღვარი განსამტკიცებლად ერისა ჩუენისა ღმრთისმსახურებასა შინა, და განსცხრების კრებული მორწმუნეთად მომხსენებელი ღუაწლისა შენისად და ითხოვს მეოხებასა შენმიერსა ღმრთისა მიმართ, რადთა ცოდვისამიერი წყუდიადი უმეცრებისად განდევნოს ჩუენგან, და უვნებლობითა, რწმენითა და სიხარულითა შეჰმოსოს ყოველი, ღირსო, ვინაჲცა პატივსა მიაგებს სახელოვანსა ხსენებასა შენსა.

იხარებს აწ ერი ჩუენი და იშვებს წმიდაჲ სავანჴ გელათისად, რომელი იუნჯებს წმიდათა ნაწილთა შენთა, რამეთუ მრავალი მორწმუნჴ მოისწრაფვის დღესა ამას წიაღსა მისსა, რადთა კრძალვითა მიეახლონ წმიდასა საფლავსა შენსა და გადიდონ ქართველთა დიდი სამკაული, ტკბილი მამად და მოძლუარი ერისა ჩუენისად - მრავალთა სულთა შინა კეთილზნეობისა დამნერგველი, და სწრაფ-მკურნალი ყოველთა სნეულთა და შეპყრობილთა, და ღაღად-ყონ ჯმითა მაღლითა: „ჰყავ ჩუენ ზედა მართლ-მსაჯული იგი უფალი, წმიდაო, რადთა განვსძლიერდეთ და განვცხოველდეთ სულითა და ჳორცითა, და შემძლებელ ვიქმნეთ წინააღმდგომად ყოვლისა ბოროტისა“.

- მუხლი. „**პატიოსან არს წინაშე უფლისა სიკუდილი წმიდათა მისთა**“.

სიტყუათა სულიერთა და წესთა შჯულისათა ასწავებდი რად ერსა შენსა, საღმრთონი ქადაგებანი შენნი თარგმანებათა მიერ განეფინა მრავალსა ქუეყანასა, მოღუაწეო და მუშაკო სათნოებისაო გაბრიელ, და განვლე რად სოფელი ესე ღირსად, დიდებულო, აწ შუებასა სამოთხისასა შეერთებული, ანგელოზთა თანა იხარებ, და უკუნისამდე ჰსუფევ ქრისტჳს თანა, მას ევედრე აწ, რადთა განაშოროს ყოველი სილაღჴ და ამჰარტავნებად დაბნელებულისაგან გონებისა ჩემისა და ერი ჩუენი, ქრისტეს მოსახელჴ მოაქციოს ყოვლისაგან გზისა უკეთურისა, რადთა წყალობისა წილ არა მოვიდოთ სასჯელი კადნიერებისად.

- მუხლი. „**მღდელთა შენთა შეიმოსონ სიმართლე და წმიდანი შენნი სიხარულით იხარებდენ**“.

შემოკრებით, ზ, ერნო ქართველთანო, და შესხმითა სულიერითა უგალობდეთ წმიდასა და ახოვანსა ქრისტეს მხედარსა, წმიდასა და დიდსა მღვდელთმთავარსა გაბრიელსა, ერისა ჩუენისათჳს ფრიად დამაშურალსა წინაშე ღმრთისა, კსნად განსაცდელთაგან და განრინებად ყოვლისაგან ვნებისა და საცთურისა, და ვევედროთ, რაითა კუალად დაიფაროს მამული თჳსი – საქართველო – ყოვლისაგან ჭირისა და თანამბრძოლ გუეყოს ჩუენ მარადის წინააღმდეგომად მბრძოლისა, ჩუენ ზედა აღბორებულისა და დაგვიცვას უცხო თესლთა ზედა მოსლვისაგან.

„დიდება მამასა და მისა და წმიდასა სულსა“: დავბეროთ საყვრსა გალობათასა და განვსცხრებოდეთ და ვიშუებდეთ მოხარულნი ყოვლადწმიდასა შინა დღესასწაულსა წმიდისა გაბრიელ ებისკოპოსისასა და ვაქებდეთ სანატრელსა მას, ვითარცა სწავლისა მდინარეთა აღმომდენთა ჩუენდა და უგალობდეთ: უძლურნი – სენთა მკურნალსა, ჭირვეულნი – მკსნელსა, შეცოდებულნი – მკურვალესა მეოხსა, მწუხარენი – მლხინებელსა, შორიელად მავალნი – თანა მოგზაურსა, მენავენი – მმართველსა და ყოველნი ყოვლით კერძო, ყოველთა-ვე სასოსა სარწმუნოებით ვადიდებდეთ და ვიტყოდეთ: მეოხ-გუეყავ, სანატრელო, რაითა ლოცვათა შენთა მიერ შეგვჭურნეს უფალმან ღმერთმან ძალითა თჳსითა უძლეველითა, ყოველთა ხილულთა და უხილავთა მტერთა ჩუენთა ზედა და გუაცხოვნეს ჩუენ. *(ჴმაჲ 6).*

„აწა მარადის და უკუნითი უკუნისამდე ამინ“: ღმრთისმშობელო ქალწულო, შენ ხარ ვენახი ჭემმარიტი, რომელმან გამოიღე ტევანი ცხორებისა, შენ გევედრებით, მიმადლებულო, მოციქულთა თანა მეოხ გეყავ ცხორებისათჳს სულთა ჩუენთასა.

- **„დიდებამაღალიანი“** - იგალობება.

- **ტროპარი მღვდელთმთავრისა, ჴმაჲ 4:** სოფელსა შინა მწუხარებაჲ დაითმინე, ხოლო ქრისტეს თანა მშვიდობაჲ შეიძინე, სიტყვთა შენითა ქართველთა ერი განანათლე და უპოვარებისა საუნჯენი მას შინა განამრავლე, ღუაწლით შემოსილო წმიდაო მღვდელთმთავარო გაბრიელ, ევედრე ქრისტესა ღმერთსა შეწყალებაჲ სულთა ჩუენთათჳს.

- **„დიდება“ „აწ და“** - ღმრთისმშობლისა „აღდგომის განსატევებელი“ *(ტროპარის ხმის მიხედვით):* რომელი საუკუნითგან დაფარულ-იყო, და ანგელოზთაგან უცნაურ საიდუმლო, ღმრთისმშობელო, შენ მიერ კაცთა გამოეცხადა, ღმერთი შეურევენელად შენგან განჭორციელდა, ჯუარცმაჲ ნებსით თავს იდუა, რომლისათჳსცა აღადგინა პირველდამძინებულნი, და იქსნა მან სიკუდილისაგან სულნი ჩუენნი.

I, III და VI ჟამნებზე:

- **ტროპარი:** მღვდელთმთავრისა

- **კონდაკი:** მღვდელთმთავრისა

წმ. იოანე ოქროპირის სადმრთო ლიტურგია:

- „გამომსახველობითი ანტიფონები“ - „ნეტარეების“ - გალობისას ჩაერთვის „მომიხსენენი“ - 8 მუხლად:

- წმიდის III გალობიდან - 4 მუხლი (ძლისპირით).

- წმიდის VI გალობიდან - 4 მუხლი, თავისი „დიდება“ „აწ და“ - თი.

სამოციქულო - მღვდელთმთავართა. - ებრაელთა XIII 17-25;

სახარება - ლკ.6. 43 დას. XI, 27-30.

შესვლად.

ტროპარი - მღვდელთმთავრისა

კონდაკები - „დიდება“ - მღვდელთმთავრისა

„აწ და“ - „სასო და შესავედრებელო...“

წარდგომა: „პატიოსან-არს წინაშე უფლისა სიკუდილი წმიდათა მისთა“. (კმა 7).

მუხლი. „რად მივაგო უფალსა ყოვლისავეთვს, რომელი მომაგო მე“.

„ალილუია“: „მღდელთა შენთა შეიმოსონ სიმართლე და წმიდანი შენნი იხარებდენ“. (კმა 2).

განიცადე: „საქსენებელად საუკუნოდ იყოს მართალი. ჰამბავისაგან ბოროტისა არა ემინოდის“.

წეს-განგება შეადგინა: **თინათინ მჭედლიშვილმა**

წმინდა გაბრიელ ეპიკოპოსის წეს-განგებას ვუძღვნი დედ-მამის – ქეთევანისა და მიხეილის ხსოვნას, გთხოვთ მოიხსენოთ წმინდა გაბრიელის სადღესასწაულო წირვა ღოცვაში.